

Ո Ր Ո Շ ՈՒ Մ

Ճանապարհային ոստիկանության վարչական տույժ նշանակելու մասին 25.04.2018թ. թիվ 1807983315 որոշումն անփոփոխ, իսկ վարչական բողոքն առանց բավարարման թողնելու մասին

<<07>> 06 2018թ. 17-13-57475-18/17-13-1386

ք.Երևան

ՀՀ ոստիկանության ճանապարհային ոստիկանության պետ, ոստիկանության գնդապետ Ե.Կարապետյանս, վերանայելով Արման Մնացականյանի դիմումի քննարկման արդյունքում ստեղծված նյութերը՝

Պ Ա Ր Զ Ե Ց Ի

Երևան քաղաքի Հանրապետության փողոցի 62-րդ շենքի 77-րդ բնակարանի բնակիչ Արման Մնացականյանը դիմումով խնդրել է վերանայել Ճանապարհային ոստիկանության վարչական տույժ նշանակելու մասին 25.04.2018թ. թիվ 1807983315 որոշումը՝ նշելով, որ իրավախախտումը թույլ է տվել երթևեկության խաթարված լինելու պատճառով:

Դիմումի քննարկման և տեղանքի լրացուցիչ ուսումնասիրման արդյունքում պարզվել է, որ դիմումատուի փաստարկը չի համապատասխանում իրականությանը և ճանապարհային ոստիկանության վարչական տույժ նշանակելու մասին 25.04.2018թ. թիվ 1807983315 որոշումն օրինական է և հիմնավոր, քանի որ Երևան քաղաքի Վաղարշյան – Խաչատրյան փողոցների խաչմերուկի հատվածը կահավորված է 5.15.1՝ «Երթևեկության ուղղությունները գոտիներով» ճանապարհային նշանով, իսկ դիմումատուն 16.04.2018թ-ին ժամը՝ 15:02-ին նշված վայրում միայն ձախ թույլատրող երթևեկության գոտուց երթևեկել է ուղիղ, հետևաբար թույլ տվել Վարչական իրավախախտումների վերաբերյալ ՀՀ օրենսգրքի 124-րդ հոդվածի 1-ին մասով նախատեսված արարք:

Ինչ վերաբերվում է դիմումատուի պնդմանը, ապա իրավախախտումն ամրագրած տեսանյութում հստակ երևում է, որ մյուս տրանսպորտային միջոցները երթևեկում են անարգել, ինչը կարող էր անել նաև դիմումատուն:

Ելնելով վերոգրյալից և ղեկավարվելով Վարչական իրավախախտումների վերաբերյալ ՀՀ օրենսգրքի 293-րդ հոդվածի 1-ին մասի 1-ին կետով՝

Ո Ր Ո Շ Ե Ց Ի

1. Ճանապարհային ոստիկանության վարչական տույժ նշանակելու մասին 25.04.2018թ. թիվ 1807983315 որոշումը թողնել անփոփոխ, իսկ վարչական բողոքն առանց բավարարման:
2. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան՝ օրենքով սահմանված կարգով և ժամկետներում:
3. Սույն որոշման օրինակն ուղարկել Արման Մնացականյանին:

